

BOSNA I HERCEGOVINA
Federacija Bosne i Hercegovine
Bosansko-podrinjski kanton Goražde
OPĆINA PALE
OPĆINSKI NAČELNIK

Broj: 01-14-5-437-4/16

Datum: 17.02.2017. godine

Na temelju člana 64. stav (1) tačka b), člana 70. st. 1., 3. i 6. Zakona o javnim nabavkama ("Službeni glasnik BiH", broj 39/14) i preporuke Komisije za javnu nabavku broj: 01-14-5-437-3/16 od 17.02.2017. godine, u postupku javne nabavke "Usluge servisiranja računarske opreme i fotokopir aparata za 2017 i 2018. godinu", Općinski načelnik **d o n o s i**

ODLUKU
o izboru najpovoljnijeg ponuđača

Član 1.

Prihvata se preporuka Komisije za javne nabavke broj: 01-14-5-437-3/16 od 17.02.2017. godine i Ugovor za javnu nabavku "Usluge servisiranja računarske opreme i fotokopir aparata za 2017 i 2018. godinu", dodjeljuje se ponuđaču "FACIT" d.o.o. Sarajevo, za ponuđenu jediničnu cijenu od 23,50 KM bez PDV-a za jedan radni sat, bez popusta, kao najbolje ocjenjenom ponuđaču.

Član 2.

Ponuđač "FACIT" d.o.o. Sarajevo obavezan je u roku od 5 dana od dana prijema ove odluke Ugovornom organu dostaviti:

- uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka likvidacije, odnosno da nije u postupku obustavljanja poslovne djelatnosti,
- uvjerenja nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje,
- uvjerenje nadležnih institucija da je ponuđač izmirio dospjele obaveze u vezi s plaćanjem direktnih i indirektnih poreza, ili kopije uvjerenja.

Član 3.

Ugovorni organ će protekom roka od 10 dana od dana kada je ponuđač obavješten o izboru najpovoljnije ponude, ukoliko nema žalbe, pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Konkurentskom zahtjevu za dostavu ponuda.